

Utoqqaat pillugit Siunnersuisooqatigiit ataatsimiinnerannit imaqarniliaq

Sisamangorneq ulloq 02.03.2023, nal. 15:00.
Sumiiffik: Suliffeqarnermut Isumaginninnermullu Ingerlatsiviup ataatsimiittarfiani
(2.sal, Imaneq 34)

Ataatsimeeqataasut ukuupput:

Marianne Jensen, Siulittaasq
Kirsten Holm, Ilaasortaq
Jakob Thorsen, Ilaasortaq

Ataatsimiinnermi peqataanngitsut:

Dorthea Josefsen, sinniisoq
Mina Lorenzen, Siulittaasup tullia
Daniel Blytmann

Imaqarniliaq:

1. Oqaluuserisassat akuerineqarnerat

Oqaluuserisassat Akuerineqarput.

2. Ilisimatitseqatigiinneq

2.1 Siulittaasup nalunaarutai

2.1.1 Tikilluaqqusineq

Utoqqaat pillugit Siunnersuisooqatigiinni siulittaasq ataatsimeeqataasunut tikilluaqqusivoq ullormullu oqaluuserisassat saqqummiullugit.

2.1.2 Timersoqatigiiffik Qeersaat Nuuk

Utoqqaat pillugit Siunnersuisooqatigiinni siulittaasup Timersoqatigiiffik Qeersaat ukiumoortumik ataatsimiinneranni februaarip ulluisa 16-ianni 2023 siulersuisunut ilaasortatut qinerneqarpoq. Ataatsimiinnermi Utoqqaat pillugit Siunnersuisooqatigiit

pingaarnertut sulissutigiumasaat Utoqqaat pillugit Siunnersuisooqatigiinni siulittaasumut saqqummiunneqarput.

2.1.3 Siunnersuisooqatigiinnit tunuarneq

Utoqqaat pillugit Siunnersuisooqatigiinni siulittaasup tullia allakkatigut nalunaaruteqarluni siunnersuisooqatigiinnit tunuarpoq.

2.1 Ingerlatsivimmit

2.1.1 Utoqqarnut susassaqarfimmi fagchefi

Utoqqarnut susassaqarfimmi fagchefip nalunaarutigaa ulloq suliffik kingulliusoq suleqatigiinnermullu qujassuteqarluni. Siunnersuisooqatigiit qujamasunnertik oqaatigaat inuulluaqqussutitut tunissutigalugu atuagaq.

2.1.2 Utoqqaat pillugit immikkoortortaqarfimmi fagchefi nutaaq

Utoqqaat pillugit immikkoortortaqarfimmi fagchefi nutaaq Utoqqaat pillugit Siunnersuisooqatigiinnut siullermeerluni imminut ilisaritippoq. Utoqqaat pillugit Siunnersuisooqatigiit fagchefi nutaaq ilassilluarpaat neriuutigalugulu suleqatigiilluarneq nangikkumaartoq.

2.1.3 Utoqqarnut tunngasut pillugit killiffik

Utoqqarnut susassaqarfimmi fagchefip utoqqarnut tunngasut pillugit killiffik ilisimatitsissutigaa

2.2 Allanit

2.2.1 Paamiuni utoqqaat peqatigiiffii

Utoqqaat pillugit Siunnersuisooqatigiinni ilaasortap, Jakob Thorsenip, kissaatigaa siunnersuisooqatigiinni ilaasortap Paamiunilu peqatigiiffiit akornanni attaveqarnerup nukittorsarneqarnissaa.

Utoqqaat pillugit Siunnersuisooqatigiinni siulittaasup siunnersuutigaa, Jakob Thorsen Paamiuni peqatigiiffiit marluk peqatigalugit ataatsimeeqatigiittarnissaq siunertaralugu ataatsimeeqatigissagai. Ataatsimeeqatigiittarnerni utoqqaat pillugit siunnersuisooqatigiit suliassat saqqummiunneqartarsinnaapput. Paamiuni kommunip allaffia attavigineqarsinnaavoq, kommune ataatsimiiffissamik, attaveqaasersuutitik allanillu ataatsimiinnermi atugassanik atukkiisinnaappat.



3. Oqaluuserisassat

3.1 Ilaasortanngorniarluni qinnuteqaat

Innuttaasumit Utoqqaat Siunnersuisooqatigiivinit ilaasortanngorusuttumit saaffiginnissut tiguneqarnikuuvoq.

Utoqqaat pillugit siunnersuisooqatigiit maannakkut ilaasortamik ataatsimik ikinnerpaamillu sinniisussamik ataatsimik amigarput. Sionratigut sinniisussaq amiakkuusoq sinniisussatut ingerlaqqikkusunneruvoq.

3.2 Utoqqaat pillugit Siunnersuisooqatigiinni inuttaqanngitsunik immikkut ittumik toqqaanissamik nalunaaruteqarneq akuerineqassasoq

Utoqqaat pillugit Siunnersuisooqatigiit ileqqusaata kalaallisut allannerani § 4 imatut oqaasertaqarpoq:

"Kommunalbestyrelse Utoqqaat pillugit siunnersuisooqatigiinni ilaasortanik tallimanik toqqaassaaq. Qinigassanngortittut allat sinniisuussapput.

- *Utoqqaat pillugit siunnersuisooqatigiit ilaasortassanik qinigassanngortitsisinnaavoq*
- *Innuttaasut utoqqaat pillugit siunnersuisooqatigiinni soqutigisaqartut utoqqaat peqatigiiffii avaqqullugit namminneq kiffaanngissuseqarlutik qinigassanngortissinnaapput."*

Qulaani taaneqartut innersuussutigalugit aammalu maannakkut sinniisup tunngavissaqarluni sinniisutut ingerlaqqiinnarnissaminik kissaateqarnera ataqqillugu, Utoqqaat pillugit Siunnersuisooqatigiit inassuteqaatigaat, kommunalbestyrelsip Utoqqaat pillugit Siunnersuisooqatigiit ileqqoreqqusaanni § 4. imm. 6. naapertorlugu imm. 1-3. malillugu ilaasortamik ataatsimik sinniisussamillu ataatsimik toqqaassasoq.

3.3 Taassuma saniatigut Utoqqaat pillugit Siunnersuisooqatigiit aamma Suliffeqarnermut Isumaginninnermullu Ataatsimiititaq ukiumut ataasiarlutik ataatsimeeqatigiittassapput.

Ataatsimut isigalugu Utoqqaat pillugit Siunnersuisooqatigiit ataatsimiinneq naammagisimaarpaat. Utoqqaat pillugit Siunnersuisooqatigiit tullianik ataatsimiinnissamut qulakkeerusuppaat, ataatsimiititamik oqaloqatigiilluarnissamut piffissaliilluartoqassasoq, tamarmik isummanik assigiinngitsunik saqqummiussisinnaaniassammata.

Utoqqaat pillugit Siunnersuisooqatigiit kissaatigaat namminneq ataatsimiititamut innersuussutitik ingerlatsivimmiit malinnaatitsissutigineqassasut.

3.3 Utoqqaat pillugit Siunnersuisooqatigiit anguniagaanni alloriarneq tulleeq sunaava?

3.2.1 Nuuk Ugeavisi aqqutigalugu nalunaarutit

Utoqqaat pillugit Siunnersuisooqatigiit kissaatigaat, anguniakkatik pillugit ataatsimiititamut innersuussutigisatik Nuuk Ugeavis aqqutigalugu



nalunaarutigineqassasut. Ingerlatsivik qinnuigineqarpoq aningaasartuutit kommunip akilersinnaanera misissuissasoq.

3.2.2 Tusagassiorfinnut nalunaarutit - utoqqalinersianit ilanngaataangitsumik sulineq Utoqqalinersialinnut suliiinnarusuttunut ajornannginnerulersinniarlugu, Utoqqaat pillugit Siunnersuisooqatigiit isumaqarput utoqqalinersiat ilanngaatsittarnerat atorunnaassasoq. Siunnersuisooqatigiit kissaatigaat tusagassiorfinnut nalunaaruteqarnikkut taamatut isummernertik oqaatigissallugu.

Utoqqaat pillugit Siunnersuisooqatigiit tamanna aqqutigalugu kissaatigaat Nuna tamakkerlugu Utoqqaat Kattuffianni siulittaasuugallartup oqaaseqaataa pillugu tapersiissallutik, utoqqalinersiallit utoqqalinersiaminni ilanngaatsinngikkaluarlutik sulinissamut periarfissaqarnissaat pillugu.

Taassuma saniatigut Utoqqaat pillugit Siunnersuisooqatigiit nuannaarutigalugu oqaatiginiarpaat Naalakkersuisut utoqqaat pillugit politikimik saqqummiussineranni ilaatigut oqaatigineqartoq, utoqqarnut angerlarsimaffimmini najugalinnut najugaqatigiiffinnilu inissanik amerlanerusunik pisariaqartitsisoqartoq. Utoqqaat pillugit Siunnersuisooqatigiit neriuuteqarput, utoqqarnut angerlarsimaffimmi najugalinnut inissanut tapertaasumik utoqqaat najugaqatigiiffiinik sanaartortoqartariaqarnissaa piaartumik sulissutigineqassasoq.

Utoqqaat pillugit Siunnersuisooqatigiit aalajangerput, Marianne Jensen aamma Kirsten Holm tusagassiorfinnut nalunaarummut siunnersuummik suliaqassasut, siunnersuisooqatigiit ilaasortaannut akuerisassanngorlugu nassiunneqartussamik.

3.2.3 Utoqqaat illuini najugaqatigiiffinnilu inissat

Naalakkersuisut aamma oqaatigereerpaat, utoqqarnut angerlarsimaffimmini najugalinnut utoqqaat illuini najugaqatigiiffinnilu inissanik amerlanerusunik pisariaqartitsisoqartoq, tamannalu Utoqqaat pillugit Siunnersuisooqatigiinnit isumaqatigineqarpoq.

3.4 Kommunip utoqqarnut politikkia

Utoqqaat pillugit Siunnersuisooqatigiit tullianik ataatsimiinnissaannut utoqqaat pillugit politikki eqqartorumaneqarpoq, tassunga ilanngullugit politikikkut ukkatarineqartussatut taaneqartut. Politikkiliornermi ungasinnerusoq eqqarsaatigalugu suliaasaqarfimmu aalajangersimasumut najoqqutassaliortoqartarpoq, taamaattumillu amerlasuutigut anguniassat annertusarlutik. Naatsorsuutigineqarpoq, ilaasortat kommunip utoqqaat pillugit politikkia tulliani ataatsimiinnissamut atuareersimassagaat.



3.5 Nuummi Najukkami Ataatsimiititaliap saaffiginnissutaa

Utoqqaat pillugit Siunnersuisooqatigiit suliniutinut aningaasatigut tapiiffigineqarnissaq pillugu qinnuteqarnissamut periarfissaq tigulluarpaat. Siulersuisup Utoqqaat pillugit Siunnersuisooqatigiit ilaasortaanut piumasaraa tulliani ataatsimiinnissamut suliniutit sorliit Nuummi Najukkami Ataatsimiititaliamut nassiunneqassanersut kissaatiginerlugu eqqarsaatigissagaat.

3.6 Kommuneqarfik Sermersuumi Peqqinnissaqarfik

Utoqqaat pillugit Siunnersuisooqatigiit peqqinnissaqarfiup aqqissuussaananerani suliassaqarfinnik assigiinngitsunik suliqaarneq eqqartorpaat, tassunga ilanngullugu innuttaasut saaffiginnissutaat pillugit periutsit, utoqqaat pillugit siunnersuisooqatigiinni iluaqutaasumik ukiukkuutaarlugit agguataarneqarsinnaasut. Siunnersuisooqatigiit innersuussuteqassagunik, siunnersuutigisaasa erseqqissaavigineqaqqaarnissaat pisariaqarpoq.

